

5  
Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspeksijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

KANTON SARAJEVO

11-01-2022

**Broj:** 14-02-04-06445-2/21  
**Sarajevo,** Januar 11. 2022. godine

**SKUPŠTINA KANTONA SARAJEVO**  
(*Na pažnju, predsjedavajućeg, Elvedina Okerića*)

**PREDMET:** *Odgovor na zastupničko pitanje broj: 01-04-43277-7/21 od 14.12.2021. godine pokrenuto od strane zastupnice Jasmine Bišćević Tokić, dostavlja se;*

**VEZA:** *Zastupničko pitanje broj: 01-04-43277-7/21 od 14.12.2021. godine*

Vašim aktom broj i datum veze, koji je zaprimljen dana 23.12.2021.godine, dostavili ste na nadležno postupanje Kantonalnoj upravi za inspeksijske poslove Kantona Sarajevo, zastupničko pitanje koje je uputila na 45. Radnoj sjednici Skupštine Kantona Sarajevo zastupnica Jasmina Bišćević Tokić, a koja glasi:

*"Zahtjevam da me hitno informišete i izvršite analizu, kao i usmjereni inspeksijski nadzor da li Nijaz Salamanović ispunjava uslove u pogledu radnog iskustva, kao i ostale uslove za poziciju koju obnaša u KJKP RAD Sarajevo?"*

Shodno sadržaju zastupničkog pitanja dostavljamo sljedeći

**ODGOVOR**



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

11-01-2022

Dana 24.11.2021.godine, po prijavi zabrinutih radnika preduzeća izvršen je usmjereni inspekcijski nadzor u službenim prostorijama KJKP "Rad" d.o.o. Sarajevo na okolnosti navoda da Nijaz Salamanović nije ispunjavao uslove za imenovanje na funkciju v.d. izvršnog direktora po Statutu KJKP "Rad" Sarajevo u pogledu radnog iskustva na rukovodećim pozicijama, te je tom prilikom na osnovu uvida u relevantnu dokumentaciju utvrđeno slijedeće činjenično stanje:

Nadzorni odbor KJKP "Rad" d.o.o. Sarajevo je na 2. hitnoj sjednici održanoj 05.05.2021.godine donio Odluku o imenovanju vršioca dužnosti izvršnog direktora za ekonomske i pravne poslove u KJKP "Rad" d.o.o. Sarajevo broj: 02NO-6421/21 od 05.05.2021.godine kojom se Nijaz Salamanović imenuje za izvršnog direktora Sektora za ekonomske, pravne i opšte poslove u KJKP "Rad" d.o.o. Sarajevo na period od 6 (šest) mjeseci počev od 05.05.2021.godine, na osnovu čega je dana 06.05.2021.godine sa Nijazom Salamanovićem zaključen Ugovor o radu v.d. izvršnog direktora Sektora za ekonomske, pravne i opšte poslove u KJKP "Rad" d.o.o. Sarajevo broj: 6583/21 od 06.05.2021.godine, te je imenovani putem obrasca JS 3100 prijavljen na obavezna osiguranja sa danom prijave 06.05.2021.godine i sa zanimanjem v.d. izvršni direktor.

Po isteku perioda od 6 (šest) mjeseci Nadzorni odbor KJKP "Rad" d.o.o. Sarajevo je na 1. hitnoj sjednici održanoj 05.11.2021.godine donio Odluku o izmjeni Odluke o imenovanju vršioca dužnosti izvršnog direktora za ekonomske i pravne poslove u KJKP "Rad" d.o.o. Sarajevo broj: 02NO-18684/21 u kojoj je navedeno da se Odluka o imenovanju vršioca dužnosti izvršnog direktora za ekonomske i pravne poslove u KJKP "Rad" d.o.o. Sarajevo mijenja u tački I. na način da se tekst: „počev od 05.05.2021.godine” zamjenjuje sa tekstom: počev od 06.11.2021.godine” i u tački II. na način da se tekst: „na period do 6 (šest) mjeseci” zamjenjuje sa tekstom „na period do 6 (šest) mjeseci ili do okončanja konkursne procedure”.

Prema izjavi lica prisutnih nadzoru ispred subjekta nadzora data je izjava na zapisnik o inspekcijskom nadzoru da se postupak imenovanja v.d. izvršnih direktora vrši na način da direktor ili predsjednik Nadzornog odbora na Sjednici Nadzornog odbora predloži lica za imenovanje na funkciju v.d. izvršnog direktora, na osnovu čega Predsjednik Nadzornog odbora imenuje v.d. izvršne direktore preduzeća.

Izvršenim Uvidom u Statut KJKP "Rad" d.o.o. Sarajevo broj: 14520/17 od 25.07.2017.godine, utvrđeno je da je istim propisano slijedeće:

- Članom 40. Statuta propisano je da Upravu Preduzeća čine direktor i 4 (četiri) izvršna direktora.
- Članom 42. Statuta propisano je da Upravu bira, imenuje i razrješava Nadzorni odbor, većinom glasova na osnovu Javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba Preduzeća. Izbor i imenovanje izvršnih direktora vrši se na prijedlog direktora preduzeća. Članom 51. stav 1. tačka a) je propisano da pored opštih uslova propisanih zakonom, za izvršnog direktora može biti imenovano lice koje ispunjava slijedeće uslove: za izvršnog direktora za ekonomske i pravne poslove da ima VSS-VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja, Ekonomski fakultet ili Pravni fakultet.
- Članom 51. stav (2) Statuta je propisano da izvršni direktor mora imati najmanje pet godina radnog staža u struci, od čega najmanje tri godine na rukovodnim poslovima, nakon sticanja univerzitetske diplome, odnosno visokog obrazovanja.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

-Članom 53. stav (1) Statuta je propisano da ukoliko mjesto člana Uprave ostane upražnjeno, odnosno nepopunjeno, do popune istog imenuje se vršilac dužnosti.

-Članom 53. stav (2) Statuta je propisano da vršioca dužnosti člana Uprave imenuje Nadzorni odbor na period do šest mjeseci bez provođenja javnog konkursa.

-Članom 53. stav (3) Statuta propisano je da vršilac dužnosti člana Uprave ima sva prava i obaveze koje ima član Uprave.

-Članom 53. stav (4) Statuta propisano je da se vršilac dužnosti upisuje u sudski registar.

Obzirom da je inspekcijskim nadzorom utvrđeno da je Statutom KJKP „Rad” d.o.o. Sarajevo propisano da vršioca dužnosti člana Uprave imenuje Nadzorni odbor preduzeća, te da nadzor nad radom Nadzornog odbora nije u nadležnosti inspekcije rada, predmetna prijava je prosljeđena Uredu za borbu protiv korupcije i upravljanje kvalitetom Kantona Sarajevo na znanje i eventualno daljnje postupanje.

S poštovanjem,

Akt pripremio: Kenan Vehabović

**DIREKTOR**



*Mr. Fahir Halilović*

*Dostavlja se:*

1. *Predsjedavajući Skupštine KS*

2. *Sekretar Skupštine KS*

3. *Sekretar Vlade KS*

4. *a/a*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb